

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
OPĆINA KONJIC  
OPĆINSKO VIJEĆE

SL glasnik

6/15

od 03.12.2015

Broj: 03-05-12-2677/15  
Konjic, 30.11.2015. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09), člana 7. Zakona o pečatu Hercegovačko-neretvanskog kantona („Službene novine HNK“, broj 2/98) i člana 7. i 16. Statuta Općine Konjic („Službeni glasnik Općine Konjic“, broj 4/11, 6/11) Općinsko vijeće Konjic, na sjednici održanoj dana 30.11.2015. godine, donosi

## ODLUKU o pečatu općine Konjic

### I OPĆE ODREDBE

#### Član 1.

Ovom Odlukom utvrđuju se organi koji imaju pravo na pečat Općine Konjic (u daljem tekstu: Općina) oblik i sadržaj pečata, izrada, čuvanje i upotreba pečata u skladu sa Zakonom i ovom Odlukom.

#### Član 2.

Pravo na pečat Općine Konjic imaju:

- Općinsko vijeće
- Općinski načelnik

Pravo na pečat Općine Konjic ima i Žalbeno vijeće Općinskog vijeća i drugi organi i pravna lica kada je to posebnim zakonom ili odlukom općinskog vijeća propisano.

#### Član 3.

Pečatom se potvrđuje autentičnost službenih akata organa Općine iz člana 2. ove Odluke.

### II OBLIK I SADRŽAJ PEČATA

#### Član 4.

Pečat svih organa i tijela iz člana 2. Odluke ima oblik kruga i sadrži tekst: Bosna i Hercegovina, Federacija Bosne i Hercegovine, Hercegovačko-neretvanski kanton, ispisan manjim slovima na vanjskom obodu pečata, općina Konjic, te naziv i sjedište organa i tijela ispisan velikim slovima u unutrašnjem koncentričnom krugu oko grba Općine, na bosanskom i hrvatskom jeziku.

#### Član 5.

Pečat svih organa i tijela općine Konjic je okruglog oblika, prečnika 50 mm (veliki pečat) i 20 mm (mali pečat), s tim da organi mogu imati i mali pečat za otiske u pečatnom vosku, koji je po dimenzijama i sadržaju teksta istovjetan malom pečatu.

U sredini pečata se nalazi grb općine Konjic, a ukoliko se izrađuje više pečata iste veličine za jedan organ, svaki pečat je označen arapskim brojem.

Pri izradi pečata manjeg prečnika pojedine riječi se mogu skraćivati, ali tako da se jasno vidi sadržaj pečata.

### III IZRADA, ČUVANJE I UPOTREBA PEČATA

#### Član 6.

Pečat izrađuje ovlaštena pečatoreznica iz člana 9. Zakona o pečatu Hercegovačko-neretvanskog kantona, a nakon što izradu pečata odobri Ministarstvo pravosuđa, uprave i lokalne samouprave Kantona.

Pečat je izrađen od materijala koji najviše odgovara svrsi upotrebe.

Manji pečati služe za ovjeravanje službenih legitimacija, finansijskih i drugih isprava.

Pečat za otiske u pečatnom vosku se izrađuje od mesinga, a upotrebljava se za ovjeru trgovačke knjige, pečaćenje neregistrovanih objekata i drugo po potrebi.

#### Član 7.

Organi i tijela iz člana 2. ove Odluke podnose zahtjev za izradu pečata ovlaštenoj pečatoreznici u skladu sa članom 6 stav 1 ove Odluke.

#### Član 8.

Pečat se mora čuvati i upotrebljavati tako da se onemogući njegova zloupotreba.

Općinski načelnik određuje rješenjem službenu osobu za rukovanje i upotrebu pečata, kao i mjesto čuvanja pečata.

Pečat se čuva i upotrebljava u službenim prostorijama organa uprave.

Izuzetno, pečat se može, ako je to nužno radi obavljanja neke službene radnje, iznijeti i upotrijebiti i izvan službene prostorije, ali samo po odobrenju Općinskog načelnika.

### IV UNIŠTAVANJE PEČATA

#### Član 9.

Organi iz člana 2. ove Odluke dužni su da svoj pečat koji je zbog istrošenosti ili iz drugih razloga postao neupotrebljiv dostave Ministarstvu pravosuđa, uprave i lokalne samouprave HNK, radi uništenja.

Organi iz stava 1. ovog člana dužni su dostaviti i pečat koji se mora zamijeniti novim pečatom zbog promjene naziva organa, sjedišta ili iz drugih razloga.

### V NESTANAK PEČATA

#### Član 10.

Organi iz člana 2. ove Odluke dužni su da o nestanku svog pečata pismeno obavijeste Ministarstvo pravosuđa, uprave i lokalne samouprave HNK i Ministarstvo unutrašnjih poslova HNK.

Obavještenje iz stava 1. ovog člana treba da sadrži otisak nestalog pečata i datum njegovog nestanka i podatak kada je nestanak pečata oglašen u „Službenim novinama Hercegovačko-neretvanskog kantona“.

### VI PRELAZNE ODREDBE

#### Član 11.

U roku od 30 dana od dana stupanja na snagu ove Odluke Općinski načelnik će donijeti odluku o broju primjeraka velikih i malih pečata Općinskog načelnika, u skladu sa potrebama jedinstvenog organa uprave Općine Konjic.

**VII ZAVRŠNE ODREDBE**

## Član 12.

Danom stupanja na snagu ove Odluke prestaje važiti Odluka o pečatu općine Konjic, broj: 03-05-12-1586/05 od 20.09.2005. godine („Službeni glasnik općine Konjic“), broj: 6/2005.

## Član 13.

Ova Odluka stupa na snagu narednog dana od dana objavljivanja u („Službenom glasniku Općine Konjic“) i ima se objaviti na oglasnoj tabli Općine Konjic.

**PREDSJEDNIK  
OPĆINSKOG VIJEĆA**  
Ivan Karlović, dipl.ing.or.,v.r.